

Tipico di aña "Tipico Arubano" Ming Maduro Rey di Dande 1989 "Propio Composicion" Ricardo v.d.Biezen

ORANJESTAD (AAN) - Apesar cu awacero tabata menaza e di 15 festival tipico di dande for di oranan treman di mainta te den oranan laa di anochi, no a kita cu e publico a bin na gran cantidad y por bisa cu casi tur presente a haya palo formal di awa, pero nan a goza te na final di e exitoso festival cu a ser gana pa Ming Maduro kende pa di segundo vez ta ser corona como Rey di Dande.

Un exito completo e festival tabata, un total di 21

agrupacion cu 41 cantante a competi pa e titulonnan cu ta Rey di Dande, Tipico di Aña y Propio Composicion.

Un conhunto a cay afor cu 2 cantante y un cantante di un agrupacion no a presenta y como tal e cantidad cu a inscribi a baha un poco.

E festival tabata programa pa cuminsa 7,45, pero awacero no a permiti esey, constantemente awa tabata yobe y poco publico a drenta club Caiquetio. Cada rato e awa tabata menaza mas

ainda. Pa 8,45 e di 15 festival tipico, propio composicion y dande a inicia cu un ceremonia chiquito y pa 9or e prome agrupacion a duna su presentacion.

E festival no a bay di e rapido esey, debi na varios factor, entre otro, awa tabata yobe, tabata tin agrupacion cu no ta completo, y tin tardanza pa subi y baha "stage".

Di e 21 agrupacion cu a duna nan presentacion, mester menciona cu tin 2 agrupacion cu nan presentacion ta hopi abao y por spera cu proximo festival nan lo no ta competencia mas.

Juradonan pa e festival tabata, Lilian Caster-Luidens, Cletano Rasmijn, Jossy Lacle, Eric Rincones, y Jane Lanoy de Cuba, y como Presidente di Jurado Edwin Tromp. No tabata tin duda cu e quinteto aki tabata tin un tarea sumamente dificil, pero publico a keda safisfecho cu e resultado cu nan a duna di e festival despues di a tende 7 ora di dande, propio composicion y tipico. Un tremendo equipo cu a huzga corectamente. Pa pa mas of menos 4,45 maestro di ceremonia Tom Delaney, manera e ta ser yama "Animador di Pueblo" kende sin duda a haci un tremendo trabao, a anuncia e ganador-

nan.

Ganador Tipico di Aña: Tipico Arubano. Segundo lugar Tipico Del Campo. Tercer lugar Vicente Kelly y su

Grupo. Na di cuatro lugar Chomai y su Grupo. Cinco lugar Luceros del Alma.

Propio composicion Ricardo v.d. Biezen cu e tipico Ola Tropical.

Rey di Dande 1989 Ming Maduro acompaña pa Tipico Arubano. Na di dos lugar Chinto Croes cu Ola Tropical. Na di tercer lugar Marion Maduro cu Marion y su Tipico. Na di

cuatro lugar Didi Wernet cu Tipico Futuro. Na di cinco lugar Frank Lampe cu Los Campesinos.

Un total di 12 propio composicion a ser presenta, Ricardo v.d. Biezen na prome lugar, na di dos a keda Didi Wernet, y nan di tres lugar Junior de Freitas.

Leo Tromp Director di Instituto di Cultura a entrega e trofeonan den presencia di e organizador Harry Croes.

DIARIO ta manda palabra di pabien na e ganadornan y na tur e agrupacionnan pa nan bunita presentacion.



Sintoniza pa mas informacion ariba nos programa di gubernacion 1989-1993.

TELEARUBA.

Awe-nochi 7.30 'or p.m.

RADIO CARINA.

Awe-nochi 7'or. p.m.

Den ambos programa lider lo hiba palabra.



...UN FUTURO
BRIYANTE
PA UN Y TUR



GRAFICO FESTIVAL DI DANDE 1989



Segundino Tromp ganador Dande na Hulanda

ORANJESTAD (AAN) - Dia 30 di December a tuma lugar na Hulanda e festival di Dande di e Arubianonan bida na Hulanda.

Un total di 15 cantante acompaña pa dos agrupacion a competi pa e titulo maximo.

Ganador a keda nada menos cu Segundino Tromp kende a retene su titulo. Na di segundo lugar a keda Anthony Kelly (Rey 1986). Na di tres lugar Ralph Croes. Na di cuatro lugar Tutu Figaroa. Na di cinco lugar Kenneth Giel.

E festival un vez mas tabata un exito completo, un publico grandi a asisti na e tremendo festival aki y manera semper hopi a keda den e friu pafot pasobra no tin mas lugar.

Entrada general tabata 25 florin pa persona y asina mes e tabata un exito completo.

Palabra di pabien na e ganadornan y na e organizadornan cu e exito di e festival.

